



D^a. YOLANDA AGUIAR CASTRO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 5 de setembro de 2019**, adoptou o seguinte acordo:

3.- AMPLIACIÓN E MODIFICACIÓN DO ACORDO DA XUNTA DE GOBERNO LOCAL DE DELEGACIÓN DE COMPETENCIAS EN CONCELEIROS E CONCELEIRAS-DELEGADOS DE ÁREAS. EXPTE. 601/1102.

Dáse conta da proposta de data 2/09/19, asinada pola secretaria do Goberno Local e polo alcalde, que di o seguinte:

O Concello de Vigo, pola súa poboación e entidade como cidade configúrase como un municipio de gran poboación dende a entrada en vigor da Lei 57/2003, do 16 de decembro, de Medidas para a Modernización do Goberno Local.

Dito marco normativo distingue unha especial estrutura de goberno para este tipo de Concellos, atribuíndo á Xunta de Goberno Local, fronte aos de réxime común, a natureza de órgano colexiado executivo que, baixo a presidencia do Alcalde, colabora de xeito colexiado na función de dirección política que a este lle corresponde, exerce as funcións executivas e administrativas que se sinalan no artigo 127 da citada Lei e calquera outras que lle sexan delegadas. A dita atribución normativa deriva na asignación dun relevante núcleo de competencias propias recollido no artigo 127 LRBRL, cun claro impacto na xestión diaria dos asuntos de interese municipal.

As dinámicas de funcionamento municipal, a necesidade de imprimir axilidade na tramitación e, no seu caso, na resolución dos expedientes administrativos, fan aconsellable delegar en órganos de xestión unipersonal -os concelleiros delegados- unha serie de competencias en aras dunha mellor eficacia na organización e optimización dos recursos empregados, de tal xeito que, constituída unha nova Corporación o día 15 de xuño de 2019, para o mandato 2019-2023, a Xunta de Goberno Local en sesión extraordinaria e urxente de data 20 de xuño de 2019 adoptou acordo de delegación de competencias nos Concelleiros/as Delegados/as de Área e nos demais Delegados/as de competencias.

Con posterioridade, polas Áreas e Servizos municipais trasladouse á Secretaría de Goberno Local a conveniencia, a efectos organizativos, e en termos de eficiencia e eficacia de ampliar e modificar o dito acordo, efectuando novas delegacións así como modificando as mesmas en determinadas Concellerías Delegadas, polo que de conformidade coas competencias atribuídas a esta Alcaldía polo artigo 124 LRBRL e demais normativa de aplicación, formulo á Xunta de Goberno Local a seguinte:

PROPOSTA DE ACORDO:

Primeiro.- Modificar o acordo da Xunta de Goberno Local de data 20 de xuño de 2019 de delegación de competencias da Xunta de Goberno Local nos concelleiros-delegados de área e

	Copia do documento - Concello de Vigo	Data impresión: 09/09/2019 11:25	Páxina 1 de 4
	Expediente 601/1102	CSV: 22EEC2-47BFD2-8H3B8C-W9NTN8-LU17VG-H1	
	Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

nos demais delegados de competencias, no tocante ao apartado **III.- NA CONCELLERÍA DELEGADA DA ÁREA DE FOMENTO E SERVIZOS**,

En materia de Transportes

1. Aprobar e autorizar, de conformidade co previsto na normativa de aplicación e nas ordenanzas as seguintes medidas:
 - a) Reserva de estacionamento e paradas
 - b) Reservas especiais para persoas con discapacidade

Esta competencia pasará a formar parte das competencias xa delegadas na CONCELLERÍA DELEGADA DA ÁREA DE EMPRESA, ECONOMÍA, SEGURIDADE E ORGANIZACIÓN MUNICIPAL cuxo apartado en materia de Seguridade, quedará redactado do seguinte xeito:

En materia de Seguridade

1. *Acordar a incoación de dilixencias previas, informativas e informacións reservadas en materia disciplinaria; a incoación de expedientes disciplinarios e a elevación da proposta de acordo, no seu caso, de imposición de sanción disciplinaria á Xunta de Goberno Local no que se refire á Policía Local e ao Servizo de Extinción de Incendios.*
2. *Autorizar calquera ocupación temporal por terceiros do sistema viario público municipal, sempre e cando a ocupación non comporte a necesidade de establecer un réxime concesional sobre o dominio público ocupado, correspondendo no seu caso a elaboración dos informes que resulten legalmente pertinentes e, en xeral, calquera aproveitamento especial que se pretenda facer das vías públicas.*
3. *Autorizar as entradas de carruaxes dende a vía pública (licenzas de vaos), así como os aproveitamentos especiais sobre o dominio público consistente no tránsito de vehículos hacia os edificios e instalacións e viceversa, de conformidade co previsto na normativa xeral de aplicación e segundo o disposto nas disposicións de carácter xeral municipais.*
4. Aprobar e autorizar, de conformidade co previsto na normativa de aplicación e nas ordenanzas as seguintes medidas:
 - a) Reserva de estacionamento e paradas
 - b) Reservas especiais para persoas con discapacidade
5. *Autorizar as cacharelas de San Xoán e a queima de material pirotécnico, de conformidade co disposto na normativa reguladora da materia.*

Segundo.- Modificar o acordo da Xunta de Goberno Local de data 20 de xuño de 2019 de delegación de competencias da Xunta de Goberno Local nos concelleiros-delegados de área e nos demais delegados de competencias, no tocante ao apartado **V.- NA CONCELLERÍA DELEGADA DA ÁREA DE CONTRATACIÓN, PATRIMONIO E XESTIÓN MUNICIPAL**, onde se incluírá en materia de Contratación unha nova competencia relativa á exclusión dos licitadores cuxas ofertas inclúan valores anormais que impidan o seu cumprimento, e así se teña declarado pola Mesa de Contratación tras da tramitación do procedemento previsto na normativa de aplicación, quedando redactado este apartado do seguinte xeito:



Copia do documento - Concello de Vigo

Data impresión: 09/09/2019 11:25

Páxina 2 de 4

Expediente 601/1102

CSV: 22EEC2-47BFD2-8H3B8C-W9NTN8-LU17VG-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



Concello de Vigo

En materia de Contratación

1. A programación da actividade contractual, propoñendo a súa aprobación á Xunta de Goberno Local
2. A xestión prevista na normativa en materia de desindexación da economía española, para poder fixar a revisión periódica e predeterminada dos prezos do mesmo.
3. A aprobación da resposta ás aclaracións formuladas polos interesados nos procedementos de contratación durante o prazo de presentación de ofertas.
4. A aprobación da ampliación e modificación de prazos e outorgamento de prazos extraordinarios en expedientes de contratación para presentar ofertas ante posibles fallos técnicos, de interconexión entre as diversas plataformas que se empregan na contratación que poidan xerar problemas coa información que se lle facilita aos licitadores ou dificultades de estos á hora de presentalas súas ofertas electronicamente.
5. A aprobación da proposta de clasificación de licitadores formulada polo órgano correspondente.
6. Aprobar a autorización do inicio de modificación dos contratos salvo nos contratos de obras.
7. Resolver a exclusión dos licitadores cuxas ofertas inclúan valores anormais que impidan o seu cumprimento, e así se teña declarado pola Mesa de Contratación tras da tramitación do procedemento previsto na normativa de aplicación.

Terceiro.- Así mesmo, en cantos apartados do acordo da Xunta de Goberno Local de data 20 de xuño de 2019 e posteriores modificacións, se faga referencia a leis concretas, substituiranse os enunciados das ditas leis polo termo "**normativa de aplicación**".

Cuarto.- Notificar a presente resolución a todos/as os/as Concelleiros/as afectados/as para o seu coñecemento e efectos.

Quinto.- Comunicar a presente resolución aos responsables dos diferentes servizos e áreas municipais para o seu coñecemento e efectos mediante a súa inserción na Intranet municipal.

Sexto.- O presente acordo entrará en vigor no mesmo momento da súa sinatura sen prexuízo da súa publicación no Boletín Oficial da Provincia, publicándose así mesmo na Sede Electrónica municipal aos efectos do disposto no artigo 6 da Lei 19/2013, de 9 de decembro, de Transparencia, Acceso á Información Pública e Bo goberno.

Sétimo.- Deste acordo darase conta de forma individualizada ao Pleno da Corporación para os efectos de que quede informado da mesma, ao abeiro do disposto no artigo 38 do Real Decreto 2568/1986.

Acordo

A Xunta de Goberno local aproba a precedente proposta.



E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/me

V. e Pr.

O SEGUNDO TENENTE DE ALCALDE, (RA 04/09/19)
Francisco Javier Pardo Espiñeira.



Copia do documento - Concello de Vigo

Data impresión: 09/09/2019 11:25

Páxina 4 de 4

Expediente 601/1102

CSV: 22EEC2-47BFD2-8H3B8C-W9NTN8-LU17VG-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>